

مکرمات و انوار

❁ ادبی و سیاسی رساله اسبوعیه در ❁

۳۱ نجی سنه

۵ رجب ۱۳۳۰

❁ پنجشنبه ❁

جلد : ۱۴ - جزو : ۱۵۱

مرعج صیقاقلر

حزیران افرنجینک ۱۳ چی ایله ۱۴ دینه مصادف کچن پنجشنبه و جمعه گونلرنده حس اولنان حرارت ، ۳۲ سهندن بری بلده مزده امثالی حس اولنماش درجهلرده فوق العاده ایدی .

مألوف اولمدینی حالاتی خوارقدن عد ایتک خواص بشردندر . بوجهتله یازلری اعتدال هواسی ایله مشهور اولان شهر مزك سکنهسی ، بویکی گونده حس ایتدیکی حرارت شدید و مرعجهدن پک زیاده اورکشددر . چونکه حرارت پک کثیف و عادتا بوگالده حق مرتبهده تنفسه مانع ایدی .

صفوقدن تحفظ قابلددر . فقط آلیشیمانلر ایچون حرارته مقاومت غایتله مشکلددر . چونکه مقاومت ایچون هیچ بر چاره یوقدر . صفوغاڭ خنجر سرتیزنی محکم لباس بی تأثیر براقه بیلیر . صیقاڭ نفوذینه ایسه هیچ بر مانع متصور دکلددر . آڭا قارشی برودت مصنوعیهده امکان یوقدر . چونکه حرارت ، بوزلریده اریده جک بر قوتی حازدر . بلاد حارده قالین دیواری مستحکم خانهلر ، سردابلر شدت گرمایه قارشی توسل ایدیلان چاره لردندر . فقط آنڭده بر درجهسی وارددر . آتی تجاوز ایدنجه هلاک محققدر .

بعض سنهلرده ویانهده شدتله حکمنی کوسترن حرارت یوزندن اختلال شعوره کرتار اولانلر ، سواقلرده آتی بر صورتده دوشوب اولنلر کورلمشدر . چونکه طوغریدن طوغرییه هدف خیوطی اولان اشیا و انسانه گونشدن گلان حرارت ییلدیرم کبی تأثیر ایدر .

جمعه گونی قبل الظهر سکنزله طقوز آرمسند حس اولنان حرارت پک شدید ایدی . قایالی بریردن طیشاری چیقانلر ، عینیه قبوسی آچملش بر فورندن

خارجہ انتشار ایدن حرارت شدیدہ مشابہ بر صیجاغٹ پیش استیلاسنده بولنیور .
و بو دشمن بی امانک دخولنه مانع اولماق ایچسون در حال قبوی اورتمک مجبور
اولوردی . هوا مستغرق سکون ایدی . بوده شدت حرارته مزاج و عادتاً جهاز
تنفسیہ نك وظیفه سنی تصعب ایدمک بر حالت ویروردی . صیجاغٹ اشد
درجاتی حالنده دخی روزکار تخفیف قوتنه مدار اولور . عکس حالده ایسه
شدتی دها مخوف بر درجه بی بولور . آفریقہ بادیه لرندہ کی حرارتک مزاج
وطاقتفرسا اولیشی رکود هواندن منبعثدر .

اوکلہ دن صکرہ سانتیغراد خارج بناده کولکده ۴۰ و خانہ دروننده طبقات
بنایہ کوره ۳۴ دن ۳۶ یه قدر تخلف ایتمکده ایدی . که ۱۸۷۹ دن بری بو قدر
صیجاق بر کون کورلما مشدر .

بلده مزاک طبیعت اقلیمیه سنده ایجه تحولات محسوس اولدینی غیر منکر در .
مثلاً شدائد شتایه بوندن اوتوز قرق سنه اولکی قیشلره نسبتله خیلاجه تخفف
ایتمشدر . سنه نك قسم اعظمنده وزان اولان ریاچ جنوبیه نك بونده دخل کایسی
اولدینی محققدر .

بزده مکمل بر رصدخانه اولمدینی جهتله ریاچ مختلفه نك ایام هبونی حقندہ
بر فکر صحیح ایدیتمک مع التأسف قابل دکلدر . بوجتله قیشلرمزله یازلرمزده کی
تحولات محسوسه نك اسباب حقیقیه سی اوزرینه طوغری بر شی سویلیه میز .

واقعا مستثنا حاللره بونلر اساس استدلال اوله ماز . کچن هفته کی صیجاغٹ بو اولچی
ایله تعینی فکرندہ دکلز . فقط طبیعت اقلیمیه مزده کوریلان تحولاتک نه کی تأثیرات
نتیجه سی اولدینی اولسون اوکر نه بیلیرز . بوده سنه نك نه قدر کونلرنده لدوس
نه قدر کونلرنده پوراز اسدیکی . و هانکیسنه نك هانکیسنه غلبه ایلدیکی و بر عصر
مقدم بو ایکی روز کارک ایام هبویلرنجه اولان اختلاف مقید و مضبوط بولمغه
منوطدر .

اعصار ماضیه بہ تحویل نظر ایدلجہ وقایع وحادثاتک بر طاقم رب وگان
بلوطلری ایچنده ستر حقیقت ایدرک مصال شکلی آلدینی کوریلور :

بزه نقلی توار یخک گلور گویا یالان شمعی

مع مافیه تاریخ ، بزه حرارتیه مشهور بعض سنه لر خبر ویرمکده در ، که بونلری
عیناً نقل ایدورز :

۸۷۰ سنه میلادیہ سنده آلمانیاک (وورمس) بلده سنده صیاق بردن بره اورتبه
کسب اشتداد ایتشدر ، که اورا قیلر برکونده کاملاً دوشوب اولمشدر .
۹۹۳ و ۹۴ سنه لری آلمانیاده او قدر شدتلی صیاق لرله گذار اولمشدر ، که تکمیل
کولر قوریمش و دروننده کی بالقر صوسزلقدن هلاک اولدیغندن بر صالغین
خستہ لک وقوعه کلشدر .

۱۱۳۰

و ۱۲۳۲

و ۱۲۷۶

۱۳۰۳ سنه لری یک شدتلی صیاق لرله مشهوردر . خصوصاً ۱۳۰۳ و ۴ ده شدت
حرارت برماه قدر دوام ایتدیکندن (رین) و (طونه) نهرلری قوریمشدر .
۱۳۳۳ ده ممالک شمالیه ده اورتبه صیاق لر دوام ایتشدر ، که باغلر کاملاً قوریمش
و اورمانلرده کی خوش اکثریت اوزره تلف اولمشدر .

و ۱۴۷۳

۱۴۷۵ سنه لرنده اوروپا قطعہ سنک اکثر بلاد شمالیه سنده گویا ارض طوتشمش
کبی بر شدت حرارت حکم فرما اولمش و بحارستان طرف لرنده بو شدت
دها زیاده محسوس بولمشدر . حتی طونه قوریدیغندن ، بودیندن پشتہ بہ
قایقارہ بدل عربہ لرله کچلمشدر .

۱۵۵۶ ده انکلتزده یاز او قدر صیاق و سورکلی اولمشدر ، که شدت ییوستدن نهرلر
قوریمش و اسقوچیانک منابعدن فشقران صولری گویا سونکرہ
دو کولورمش کبی سقوط ایتدیکی یرده غائب اولورمش .

۱۶۵۲ ده اسقوجیاده گوریلان حرارت امثالی سبق ایتماش بر درجه‌ی بولش و محصولات کاملاً یاغش اولدیغندن اؤ سنه‌نك شتاسی بر بیوك قطه معروض قالمشدر .

۱۷۰۱ اون سکنجی عصرک مبدائی اولان بوسنه‌نك یازی ده پك شدید حرارتله گذران اولمشدر . حتی هر خارقه‌ی خلقه بر آیه‌ی تندر کبی گوسترمکله استفاده‌لرنی تأمین ایتمک ایستیان پایاس طاقی . بونك علامت قیامتدن اولدیغنی اعلان ایتمکله بر چوق سبک‌مغزانك کفارت ذنوب معرضنده غصب اموال و نقودینه موفق اولمشلردر .

۱۷۱۸ ده عموم اورویا قطعه‌سینده هوا بر حرارت کشفه حاصل ایتمشدر . که انسان و حیوان نفس آلمقده عظیم اضطرابه اوغرامشدر . ۹ آی یاغمور یاغماش . چایلرله بیوك نهرلر عموماً قوریمش . فرانسه‌نك اکثر بلادنده ۵۵ درجه‌یه و یارسده ۵۷ درجه‌یه قدر حرارت حاصل اولمشدر .

بونك ایرتسی سنه ممالک شمالیده دخی پك شدید و مدید صیجاقلر گورلمشدر . ۱۱۳۲ سنه هجریه‌سنه مصادف اولان بوسنه استانبولی دخی اؤ زمانه قدر امثالی گورولماش بر حرارت استیلا ایلش و سلططان احمد ثالث برنجی دفعه اولق اوزره اؤ سنه بوغاز ایچنه نقل ایلشدر . استانبول خلقی صیجاقدن عادتاً بوکالدیغندن چارشیلر قاپاغش و آتسکچیلره زورله خیر ایشلتدیرلمشدر .

۱۷۲۳

۱۷۴۵

و ۱۷۴۸

۱۷۵۴ سنه‌لری اورویاده پك شدید صیجاقلر دوام ایتمش . آیلرجه یاغمور دوشمامشدر .

۱۷۶۰ دن ۶۳ چه قدر اولان سنه‌لری فرانسه رصدخانه‌سی، حرارت فوق‌العاده امثالی نادر سنه‌لردن اولق اوزره قید ایتمشدر . ینه بوزصد خانه‌نك

تحولات هوائیه سجلاتند ۱۷۷۴ دن ۱۷۸۸ زه قدر اولان سنه‌لری
هپ صیحاقل سنه‌لردن معدود و مقید بولمیشدر .

۱۸۱۱ سنه میلادیه‌سی دخی غایت صیحاقل و قوراق کتمکده و کتدکجه شدتی
آزیرمقدمه ایکن بر نجم کیسودارک ظهوری بردن بره انقلاب هوائی
موجب اولمغله یاغمورلر یاغمغه باشلامشدر .

۱۸۷۹ آنف‌البیان ۱۸۱۱ سنه‌سندمکی قویروقلی ییلدیزک ظهورندن ۷۹ سنه‌سینه
قدر اوروپاده ۶۸ سنه ظرفنده شایان قید و ضبط شدید صیحاقلر کورلما-
مشدی . حال بو ، که ۱۸۷۹ ده اوروپانک شمال شرقی سمتلرنده و خصوصاً
آوستریانک (طونه) نهری جهتلرنده کی بلده‌لرنده اق رتبه صیحاقلر اولمش
ایدی ، که ویانه سوقاقلرنده یک چوق آدم باییلوب دوشمش و یک چوق
آدم تجنن ایتمشدی .

اق سنه استانبولده دخی درت بش کون مزعج بر حرارت دوام
ایلش و سانیفراد کوندوزلری ۳۴ و کجه‌لری ۳۰ دن آشاغی دوشمامش
ایدی . اق سنه‌دن بو سنه‌یه قدر ۳۳ سنه ظرفنده ایسه بوهفته کی صیحاقل
قدر حرارت محسوس اولمامشدر .

بوسنه صیحاقلر کلیه‌جک دبه نیسانده و مایس ابتدالرنده شکایت
ایدن استانبول خلایق بو ایکی کون مستولی اولان حرارتی بر آیلای صیعاغه
بدل طوتسه‌لر روادر .

ابوالضیا

